

# 山谷別集詩注原目

上卷

濂溪詩

牧重

送人赴舉

嗣深尙書弟晬日

讀謝安傳

酌姨母崇德君壽酒

謝五開府番羅襖

雜吟

海棠

壓沙寺梨花

和早秋雨中書懷呈張鄧州

山谷別集詩注 原目

絕句

臨河道中

和范廉

從舅氏李公擇將抵京輔以歸江南初自淮之西猶未秋日思歸  
翌日阻雨次前韻

五老亭

答余洪範

卽來

奉答固道

奉答聖思講論語長句

題學海寺

梅花

題太和南塔寺壁

和答君庸見寄別時絕句

寄劉潤州

平原郡齋二首

題邢惇夫扇

絕句贈初和甫

次韻清虛同訪李園

次韻清虛

次韻清虛喜子瞻得常州

次公乘子由十六夜憶清虛

訪趙君舉

和王明之雪

題子瞻墨竹

下卷

觀秘閣蘇子美題壁及中人張侯家墨跡十九紙率同舍錢才翁學士賦之  
與文潞公黃河議後

題宗室大年畫二首

題燕邸洋川公養浩堂畫

題劉法直詩卷

送莫郎中致仕歸湖州

雜詩

明叔惠示二頌

與黔倅張茂宗

次韻任道雪中同遊東皋之作

戲用題元上人此君軒詩韻奉答周彥起予之作病眼空花句不及律書不成字

和蒲泰亨四首

奉謝泰亨送酒

和東坡送仲天貺王元直六言韻五首

元師自榮州來追送余於瀘之江安綿水因復用舊所賦此君軒詩韻贈之并簡元師法弟周彥公  
木龜亭留題

題羅公山古柏菴二首

書東坡畫郭功父壁上墨竹

史天休中散挽詞

宋夫人挽詞

贈法輪齊公

與成之書并二詩

題周昉畫美人琴阮圖

信中遠來相訪且致今歲新茗又枉任道寄佳篇復次韻呈信中兼簡任道  
和柳子玉官舍十首

# 山谷別集詩注卷上

宋 黃庭堅撰  
史季溫注

濂溪詩 井序

春陵周茂叔

濂溪先生姓周名惇頤字茂叔道州營道人也可識矣李延平愿中嘗誦此語以爲善形容有道氣象

人品甚高胸中灑落如光風霽月

光風和也如顏子之春露月清也如孟子之秋合清和於一體則夫子之元氣

可識矣李延平愿中嘗誦此語以爲善形容有道氣象

好讀書雅意林壑初不爲人窘束世故權輿仕籍不卑小官

孟子柳下惠不卑小官職

思其憂

詩蟋蟀無已太康職思其憂

論法常欲與民決訟得情而不喜

論語曾子曰如得其情則哀矜而勿喜

其爲少吏

前漢百官表其縣百石以下有斗食佐史

之秩是爲少吏

在江湖郡縣蓋十五年所至輒可傳任司理參軍轉運使以權利變其獄茂叔爭之不能

得投告身欲去使者斂手聽之

按先生年譜及朱文公事狀慶曆五年任南安軍司理有因法不當死轉運使王逵欲深治之先生力爭之不聽則置手板歸取告身委之而去曰如此尙可仕乎殺人

以媚人吾不爲也達感悟因得不死

趙公悅道

趙清獻公并字悅道

號稱好賢人有惡茂叔者趙公以使者臨之甚威茂叔處之超

然其後乃寤曰周茂叔天下士也。薦之於朝。論之於士大夫。終其身。

按年譜先生以嘉祐元年食書合州判官六年通判慶州事狀云先生在

合州趙公時爲使者人或譏先生趙公臨之甚威而先生處之超然趙公疑終不釋及守慶先生適佐州事趙公熟視其所爲乃寤執其手曰幾失君矣今日乃知周茂叔也。

其爲使者進退官吏得罪者

自以不冤。

按年譜熙寧元年先生爲提點廣南東路刑獄於定國傳定國爲廷尉民自以不冤

中歲乞身老於潞城有水發源於蓮花峯下潔清紺

寒下合於潞江茂叔濯纓而樂之築屋於其上用其平生所安樂媿水而成名曰濂溪與之游者

曰溪名未足以對茂叔之美。

春陵新志云濂溪在營川門外二十里周元公故居又按何栗營道齋詩序春陵郭縣曰營道三十里而近有村落曰濂溪周氏家焉又按春陵舊志載章穎云嘗以營道古碑大

宮橋記攷之自有所謂濂水又按朱文公濂溪先生事狀云按張栻跋先生手帖據先生家譜云濂溪隱居在營道縣營樂鄉鍾貴里石塘橋西而邵武鄒勇言嘗至其處溪之源委自爲上下保先生故居在下保其地號樓田又按春陵新志載熙寧中陳令舉作廬山記云由江州之南出德化門五里至延壽院舊名羅漢壇又五里至石塘橋有濂溪乃茂叔自名然則春陵之濂溪乃先生之故居也九江廬山下之濂溪則先生因其溪而名之以識鄉國之思耳又如石塘橋恐亦同爲舊名此如東坡世居錢眉之下而因汝州錢眉山以寄意焉鄒勇又云近世士大夫又謂先生子求其詩於山谷避其叔父諱遂加以水此尤臆說今山谷詩序謂先生用其平生所安樂媿水而成名曰濂溪恐非事實故備論之若謂溪名未足以對茂叔之美則亦東坡詩中柳州柳愚溪愚之意也雖然茂叔短於取名而惠於求志薄於徽福

春秋左傳風完對齊侯曰而厚於得民非於君惠微福於微色之社稷

奉身而燕及鶯鵲。陋於希世而尙友千古。孟子以友天下之善士爲未足。又尙論古之人。聞茂叔之餘風。猶足以律食。則此溪

之水。配茂叔以永久。所得多矣。茂叔諱惇實。避厚陵奉朝請名。改惇頤。二子壽。皆好學承家。求

予作濂溪詩。思詠潛德。韓退之嘗崔立之書。發潛德之幽光。壽字元翁。登元豐五年第。終司封員外郎。謫字次元。登元祐三年第。終徽猷閣待制。按先生年譜。以熙寧六年卒。元豐間。山谷知太和縣。謫爲吉州司法。

因同官而遊從甚熟。是詩必太和所作。故有潛德之語云。茂叔雖仕宦三十年。而生平之志。終在丘壑。按事狀云。先生襟懷飄飄。雅有高趣。尤樂佳山水。遇適意處。或徜徉終日。

故余詩詞不及世故。猶髣髴其音塵。

溪毛秀兮水清。

左氏傳。潤溪沼沚之毛。詩伐檀。河水清且漣漪。

可飯羹兮濯纓。

漢書。方進傳。飯我豆食羹芋魁。孟子。滄浪之水清兮。可以濯我纓。

不漁民利兮。又何有於名。漢景

後元年。詔漁奪百姓。侵牟萬民。禮坊記。諸侯不下漁色。莊子。楊朱曰。不矜貴。何羨名。

絃琴兮觴酒。

舜作五絃之琴。以歌南風。山濤舉嵇康自代。康告絕曰。濁酒一盃。彈琴一曲。志願足矣。

寫溪聲兮。延五老以爲

壽。詩。以寫我憂。歐陽永叔詩。攜琴寫幽泉。五老峯在廬山。五峯相連。論語。識云。仲尼曰。堯舜觀河洛。有五老飛爲流星。上入於鼎。故河洛間有五老峯。此峯以其峭拔而效其名。爲詩如南山之壽。

蟬蛻塵埃兮。玉雪自清。史記。屈原

傳。蟬蛻於濁穢。以浮游塵埃之外。韓退之。馬少監墓誌。幼子立側。肌肉玉雪可念。

聽潺湲兮。鑒澄明。

謝靈運詩。乘月弄潺湲。宋之問遊江南靈隱寺。夜月澄明。獨行廊下。

激貪兮敦薄。

孟子。聞伯夷之風者。頑夫廉。懦夫有

立志。聞柳下惠之風者。鄙夫寬。薄夫敦。

非青蘋白鷗兮。誰與同樂。

宋玉風賦。風起於青蘋之末。杜詩。白鷗沒浩蕩。謝安傳。簡文帝曰。安石既與人同樂。不得不與人同憂。

津有舟兮。蕩有蓮。韓退之。郭

州溪堂詩淺有勝日兮與客就閒晉書衛玠傳遇有勝日親友時請一言人聞琴音兮不知何處散髮醉莊子漁父篇孔子至於澤畔方將杖擊而引其船又曰刺船而去延

緣葦間孔子待水波定不聞琴音而後敢乘晉書阮孚爲安東參軍蓬髮飲酒不以王務嬰心文選張茂先詩散髮重陰下注引鍾會遺榮賦云散髮抽簪高荷爲蓋兮倚芙蓉以當伎離騷經製芰荷以爲衣集芙蓉以爲

裳青箱雜記曹修已詩荷葉罩芙蓉圖清映嫩紅佳霜清水寒兮舟著平沙韓退之詩山淨江空水見沙唐李遐叔文碧水蓮漪淺深見沙八方同宇兮雲

月爲家尸子四方上下曰宇荀子富國篇萬物同宇而異情淮南子天地之間九州八極注八方之極也班孟堅東都賦總八方而爲極張拙頌凡聖含靈共我家懷連城兮佩明月用史記蘭相如懷趙璧易秦十五城事文選魏

文帝書價越萬金貴重連城東坡詩自當出懷璧魚鳥親人兮野老同社而爭席世說簡文帝曰鳥獸禽魚自來相親韓退之詩願爲同社人雞豚燕春秋東坡次驢上人

往取連城價漢書鄒陽傳明月之珠夜光之璧見寄韻前身本同社注引陶潛與廬山遠白雲蒙頭兮與南山爲伍東坡留別王子立詩聞道年來丹伏火不愁老去雲蒙頭漢書韓信傳笑曰生乃與噲等爲伍非夫人攘

臂兮誰余敢侮左氏傳非夫人之力不及此又正考父鼎銘曰循牆而走亦其余敢侮孟子馮婦攜臂下車詩今此下民或敢侮予卒章因言以見先生山水之樂得之於心至於人與我相忘此東坡所謂與造物爲徒歟

牧童西清詩話云世傳山谷七歲作

騎牛遠遠過前村後漢光武紀光武初騎牛杜少陵詩前村山路險吹笛風斜隔壠聞馬融去京踰年有洛客適旅吹笛聞之甚悲壯晉王徽之令人謂桓伊曰聞君善吹笛試爲我一奏老杜詩愁連吹笛生又吹

笛秋山風月清。又高樓夜吹笛。歐陽公詩。夜涼吹笛千山月。東坡詩。鄰人吹笛不堪聞。杜詩。輕燕受風斜。鄒康節牧童詩。數聲牛背笛。一曲墮頭歌。王介甫詩。脫水翻溝隔壩分。多少長安名利客。長安前漢所都。在國朝爲永興軍後人稱帝都。

者。皆例呼爲長安。林和靖詩。不知何止長安客。戰國策。爭名者於朝。爭利者於市。蓋爭名利者必於帝都也。白樂天詩。皇皇名利客。白首千百輩。機關用盡不如君。白樂天詩。應須繩墨機關外。意謂用盡機關以爭名利。反不若牧童之安適也。

丁晉公詩。欺天行常吾何有。立地機關子太乖。鄒康節詩。爭先徑路機關惡。亦此意也。

### 送人赴舉

西清詩話云。魯直少警悟。八歲能作詩。送人赴舉。此已非習稚語矣。

送君歸去明主前。江文通賦。春草碧色。春水綠波。送君南浦。傷如之何。李白詩。送君此時去。回首淚成行。若問舊時黃庭堅。謫在人間今八年。漢武內傳。王母曰。汝侍郎東方朔。肯

爲太上仙官。謫斥使在人間。列仙傳。許碯詩。羣仙拍手嫌輕薄。謫向人間作酒狂。白樂天酬吳七詩。不知有何過。謫作人間仙。湘山野錄。潘佑詩。只因騎折玉龍腰。謫向人間三十六。詩最多體製。每句自三字抵於七字。每章自兩韻極於百韻。未可概舉。近世詩格。必欲合聯以成章。三句者。蓋亦罕見。周詩則亦有之。麟趾甘棠等篇是也。山谷此詩。蓋捨近例而援古法。由是推之。山谷不特平生句法奇妙。早年詩格已高古矣。

### 嗣深尙書弟晬日

山谷叔父諱康。字夷仲。終於給事中。幼子叔敷。字嗣深。丙午生。終於戶部尙書。建炎間。山谷之兄大臨。嘗跋此詩云。嗣深弟初生。骨爽神秀。氣已萬里。故山谷有此佳句。黃魯年譜。係此詩於治平四年丁未。時山

谷初登第。

骨秀已知騏驎子。

袁宏三國名臣贊。天骨秀朗。老杜八哀詩云。復見秀骨清。桓譚新論曰。善相馬者。薛公得馬。惡貌而正走。其名騏驎。子東方朔曰。騏驎綠耳。天下良馬也。北齊裴景鸞。景鴻並有逸才。河東呼景鸞爲騏驎。杜少陵詩。別養騏驎子。稱神

俊。性仁端是鳳凰雛。

易林曰。鳳生五雛。龍統傳。統德公從子也。德公謂統爲鳳雛。陸雲幼時。吳尚書閔鴻見之。甚奇之。曰。此兒若非龍駒。當是鳳雛。老杜入奏行。贈賣侍御騏驎之子。鳳之雛。又詩。先拂鳳凰雛。東坡詩。鳳雛驎子日相高。

鴈渥水稱神俊。

漢書武帝紀。元鼎四年。馬生渥洼水中。作天馬之歌。高僧傳。支遁字道林。嘗養馬。入有識之者。曰。愛其神俊。杜少陵詩。可憐九馬爭神俊。又送李校書詩。渥洼騏驎兒。

應出岐山作瑞符。

岐山屬鳳翔。

字記載地志云。周文王時。鳳凰鳴於岐山。故亦曰鳳凰堆。春秋元命苞曰。鳳凰游文王之都。老杜鳳凰臺詩。所重王者。瑞韓文公岐山詩。丹穴五色羽。其名爲鳳凰。昔周有盛德。此鳥鳴高岡。

漸指家人知姓字。

李義山驕兒詩。文苑未周昨。固

已知六七。四歲知姓名。眼不視梨棊。子生一歲爲眸。

試看屏上識之無。

唐書。白居易始生。六七月。乳母抱弄於書屏下。指之無二字。雖百十其試。指之不差。

乃翁斷獄多陰德。往往高門待夜

車。漢書項羽傳曰。今不急下。吾烹乃翁。子公曰。少高大門。閭令容嗣馬高蓋車。晉治獄多陰德。子孫必有與者。

讀謝安傳

年譜。熙寧戊申。葉縣尉時作。

傾敗秦師琰與玄。矯情不顧驛書傳。持危又幸桓溫死。

論語。危而不持。顛而不扶。

太傅功名亦偶然。

晉書謝安傳。桓溫請爲司馬。將發新亭。朝士咸送。高

松戲之曰。卿高臥東山。人言安石不肯出。將如蒼生何。蒼生今亦將如卿何。簡文帝疾篤。溫上疏薦安。宜受顧命。帝崩。溫入赴山陵。止新亭。大陳兵衛。將移晉室。呼安及王坦之。欲於坐害之。坦之汗流霑衣。倒執手板。安從容謂溫曰。諸侯有道。守在四鄰。明公何須壁後置人。

聖武皇帝當於春秋政不自已。溫威振內外。安與坦之。盡忠匡翼。溫病篤。諷朝廷加九錫。使袁安具草。安見輒改之。由是歷旬不就。會溫薨。錫命寢。時苻堅強盛。疆場多虞。諸將敗退相繼。安遣弟石及兄子玄隨機征討。所在克捷。堅後率衆百萬。次於淮源。京師震恐。加安征討大都督。玄入問計。安夷然無懼色。答曰。已別有旨。遂命駕游山墅。玄等既破苻堅。有驛書至。安方對客圍碁。看書既竟。便攝放。了無喜色。泰如故。客問之。徐答云。少頃單遂已破賊。既罷還。內過戶限。心甚喜。不覺展齒之折。其矯情鎮物如此。後贈太傅。安有二子。瑛瑑。瑑接瑛。瑑接瑑之役。安以瑑有軍國才。用出爲輔國將軍。以瑛卒八千人。與玄破堅。

### 酌姨母崇德君壽酒

外集有聽崇德君鼓琴詩。米元章畫史云。朝議大夫王之才妻。南昌縣君李氏。尚書公擇之妹。能臨松竹木石等。山谷之姨母也。年譜。熙寧辛亥。薨。縣作。

### 日月行當壽星紀

尚書釋文。堯典云。日月所會者。謂日月交會於十二次。辰日壽星。丑日星紀。晉天文志曰。老人一星在弧南。一曰南極。常以秋分之旦。見於丙。春分之夕。沒於丁。見則治平。主壽昌。

仙人初出閨風時。

神仙傳。崑崙一曰玄圃。一曰積石瑤房。一曰閨風臺。一曰華蓋。一曰天柱。增城。縣圃。閨風。崑崙之山三重也。水經注曰。崑崙之山三級。下曰樊桐。一名板桐。二曰玄圃。一名閨風。上曰層城。一名天庭。東方朔十洲記。崑崙山有三角。一角正北。名閨風。頂一角正西。名玄圃。臺一角正東。名崑崙宮。南部賦。崑崙無以侈。閨風不能踰。杜詩。閨風玄圃與蓬壺。欲將何物獻壽酒。天上千秋桂一枝。歐陽公詩。欲將何物招作客。惟有蕭秋一味涼。晉

林一枝。崑山片玉也。

### 謝五開府番羅襖

熙寧中。山谷爲宮教。五開府者。酒餘。脫淺色番羅襖衣之。山谷醉中作此。

聲送香羅淺色衣。

杜少陵詩香羅疊雪輕白樂天與元微之詩淺色縠衫輕似縠

著來春色入書帷。

漢書董仲舒下帷講誦

到家慈母驚相問。

曾子問外有傳內有慈母後漢馬皇

后紀慈母之拳拳杜少陵詩家貧仰母慈

爲說王孫脫贈時。

楚詞王孫游兮不歸杜詩王孫若箇邊

雜吟

城中娥眉女。

毛詩碩人嬌首蛾眉

珂佩響珊珊。鸚鵡花間弄。

唐明皇雜錄廣南有白鸚鵡養之宮中曉人言鸞雪衣娘一日飛上妃子妝臺曰夢爲鸚鵡所搏妃子授以多心經持誦甚悲後妃子攜之弄於花

間果爲鸞鳥所斃蘇之號鸚鵡塔

琵琶月下彈。

釋名曰推手前曰琵琶引手卻曰琶張籍詩乃出一侍女合彈琵琶爭白樂天送客湓浦口聞舟中夜彈琵琶爲作琵琶行東坡詩取琴月下彈

長歌三日繞。

蘇武詩長歌正激烈沈約

詩輕歌易繞弱舞難持唐書薛仁貴傳將軍三箭定天山將士長歌入漢關杜少陵詩長歌激梁屋又長歌意無極又吾醉亦長歌又樂助長歌逸高適詩長歌達者杯中物李太白詩清風吹歌入空去歌曲自繞行雲飛列子韓娥東之齊置糧過雍門鬻歌假食既去而餘音繞梁繞

三日不絕。

陶岳零陵記長沙定王入朝於上前自爲短舞曰臣國地狹不足以回旋

未必長如此。

陶淵明詩但願長如此虛照鄰詩願得長如此東坡詩未必長如此

芙蓉不耐寒。

西京

雜記卓文君臉際常若芙蓉此詩亦見寒山子詩集中恐非山谷作

海棠

年譜元豐戊午北京作

海棠院裏尋春色。薛能詩。獨尋春色上高臺。

日炙薦紅滿院香。

李太白詩。日炙錦嬌王未醉。王建牡丹詩。且願風流者。唯愁日炙銷。杜牧詩。薦紅半落平池晚。李義山詩。側近嬌紅伴柔綠。老杜詩。嬌嬈一院香。

不覺風光都過了。東窗渾爲讀書忙。

### 壓沙寺梨花

趙舜欽茅齋詩話云。大名壓沙寺。梨花之盛。聞於天下。魯直爲國子監教授日。曾有詩一絕。外集十二卷。又有次韻晉之五丈。賞壓沙寺梨花一首。年譜係元豐戊午歲。

壓沙寺後千株雪。昌黎聞梨花發。贈劉師命詩。聞道郭西千樹雪。欲將君去醉何如。又雪詩。千林照耀開東坡。詩。普慈寺後千竿竹。此句相類。

長樂坊前十里香。梁任昉述異記。千年松香。聞十里之外。東坡詩。曩曩

爐煙十里香。

寄語春風莫吹盡。夜深留與雪爭光。李太白宮詞。梨花白雪香。

### 和早秋雨中書懷呈張鄧州

年譜。元豐己未。北京作。

### 喜聞三徑被恩書

按三輔決錄。將闕字元卿。極康高士傳曰。將元卿還杜陵。荆棘塞門。舍中有三徑不出。

五馬來歌塞里間。

墨客揮犀。世謂太守爲五馬。詩曰。子子千輿。在渡之都。素絲組之。良馬五之。鄭注謂周禮

州長建旗。漢太守比州長。法御五馬。古樂府陌上桑曰。使君從南來。五馬立踟躕。南齊柳元伯之子五人皆領郡。號五馬殷文圭云。柳氏亭邊參差五馬。杜詩。人生五馬貴。韓昌黎詩。車馬僕從塞里間。

天上日清消蟬蛩。詩。綴蛩在東。莫之敢指。注

虹也。海濱風靜復爰居。

國語。海鳥曰爰居。止於魯東門外。展禽曰。今茲海其有災乎。是歲海多大風。韓詩。風靜爰居去。左氏賦。龜逢文仲不知者三。其一祀爰居。莊子至樂篇。昔者海鳥止於魯郊。魯侯御而觴之於廟。杜詩。鸞鵠至魯門。

銜骨方爲鵲。蘭不當門亦見鋤。

蜀先主云。芳蘭當門。不得不鋤。李白詩。蘭生不當戶。別是閒庭草。

已發覆盆瞻睿聖。

莊子田子方篇。丘之於道也。其猶醯醢與。微夫子之發吾覆也。吾不知天

地之大全也。司馬遷傳。戴盆何以望天。尚書洪範。睿作聖。

何因猶著故溪魚。

絕句

年譜元豐己未北京作。

富貴功名繭一盆。繰車頭緒正紛紛。

禮記曰。夫人繰三盆手。太白詩。繰絲憶君頭緒多。歐陽公詩。問其別後學。初若繭抽絲。

肯尋冷淡做生活。

據言曰。裴度夜宴聯句。白樂天曰。笙

歌鼎沸。勿作此冷淡生活。坡詩。冷淡誰能用許功。又莫笑吟詩淡生活。

定是著書揚子雲。

文選。揚脩答臨淄王。賤云。詹家子雲。老拙著一書。悔其少作。

臨河道中

臨河屬開德路。由河堤。外集中有曹村道中詩云。瓜田餘蔓有荒塋。梨子壓枝鋪短牆。明月風煙如夢寐。平生親舊隔湖湘。是也。蓋經行先曹村後臨河。故此詩有覺來去家三百里之句。指大名也。年譜元豐己未作。

村南村北禾黍黃。

古詩。載載衣巾落囊花。村南村北響繰車。杜詩。西園好村北。白樂天折臂翁詩。村南村北哭聲哀。東坡食荔枝詩。南村諸楊北村盧。史記鄭國渠。白渠成人歌之曰。鄭國在前。白渠起後。長我禾黍。王介甫詩。欲收禾黍善先去蒿

萊。穿林入塢岐路長。列子。楊子之鄰人亡羊。既率其黨。又請楊子之豎追之。楊子曰。噫。亡一羊。何追者之衆。鄰人曰。多岐。既反。問僕

羊。平曰。亡之矣。曰。奚亡之。曰。岐路之中。又有岐焉。吾不知所之。所以反也。文選。孫子荆詩。晨風飄岐路。語。眺詩

岐路多。律徊。

據鞍夢歸在親側。

後漢劉向擊五溪蠻。伏波將軍馬援年六十二。據鞍顧盼。以示可用。老杜詩。薛侯據鞍喜。樂府飲馬長城窟。行。夢見在我旁。忽覺在他鄉。

弟妹婦女笑兩廂。

兩廂字。見詩。說兩廂廡也。

韓詩兩廂鉤麗醺白樂天詩 甥姪跳梁暮堂下惟我小女始扶牀  
白樂天詩惟弄扶牀女時時強展眉杜牧之詩扶牀乳女午

仙仗環雙闕神兵闔兩廂 嬉戲歡爭挽衣裳昌黎詩少長聚嬉戲不殊同隊魚太白詩兒女歌笑  
牽人衣又出門妻子強牽衣杜少陵詩短衣數挽不

掩覺來去家三百里  
陸士衡飲馬長城窟行冬 一園兔絲花氣香淮南子說山訓曰千年之松下有茯苓上有兔絲注云茯苓  
千歲松脂也兔絲生其上而無根一名女蘿毛詩鵲奔篇焉

與女蘿龜子松柏注云女蘿 可憐此物無根本韓昌黎詩浮雲細絮無  
根本天地闊遠隨飛揚 依草著木浪自芳風煙雨露非無力  
白樂天詩云等

開枝樹木隨年年結子飄零傍  
老杜詩卑枝低結子晉史王戎不趣道傍苦李杜詩今日飢 不如歸種秋柏實莊子彫胡膏視  
其良既爲秋柏

之實矣東坡議寒知 他日隨我到冰霜王介甫詩曾與蒿藜同雨露終隨松柏到冰霜杜少陵詩老樹飽經霜  
松柏詩永無秋實悲 山谷意謂如草木之依附隨即飄零不若羣秋柏之梗介以閱冰霜也

### 和范廉

年譜元豐已未解  
北京教授後作

一代功名醉斯人尙獨醒  
史記屈原曰衆人皆醉惟我獨醒 風霜寒慘淡松柏後凋零  
劉公幹詩風聲一何盛松枝一何勁冰霜正慘澹

歲晚虛前席老杜詩歲晚仍分袂  
漢書文帝徵賈誼入 天涯作使星後漢和帝遣使者二人當到益都  
徵服單行李卻指星云有二使星向

益州分野。老杜詩。喧呼聞使星。

百城同緩帶。東漢賈察爲冀州刺史。百城聞風。自然懷震。前漢匈奴傳。父兄緩帶稚子咽哺。晉羊祜在軍。不親戎服。常輕裘緩帶。

列校聽橫經。漢書韓信傳。諸校皆置師。古曰。諸校諸部也。後漢儒林傳。

明帝爲功臣子孫四姓末屬。別立校舍。自期門羽林之士。悉令通孝經章句。韓詩。魯際灋橫經。東坡時。春夢猶橫經。

汲直非刀筆。

漢史。汲黯傳。淮南王謀反。黯曰。黯好直諫。守節死義。至說公孫弘等。如發蒙術。張湯深文苛刻。黯曰。天下謂刀筆吏。

不可爲公卿。果然必渴也。賈捐之傳。置之爭臣。則汲直注。汲黯方直。故世謂汲直。

山翁識寧馨。

晉書。王衍字夷甫。總角嘗造山濤。濤嘆曰。良久。既去。目而送之。曰。何物老嫗生此寧馨兒。

愁思理前語。祠下柳陰庭。

潘安仁閒居賦。柳重陰。車結軌。

從舅氏李公擇將抵京輔以歸江南初白淮之西猶未秋日思歸

年譜。此詩當是元豐庚申歲。山谷自京師改官復往北京。挈家歸江。南作。

歸心搖搖若鞦帶。

杜詩。歸心折大刀。王介甫詩。不耐歸心日日歸。史記蘇秦傳。齊王曰。寡人心搖搖然如懸旌。柳子厚詩。搖心劇懸旌。謝朓辭隨王。賤歸志莫從。邀若墜雨。翻似秋帶。注。秋帶去於樹。喻已別王也。恐鞦帶字誤。

哀操切

切如蟬吟。鮑明遠蕪城賦。抽琴命操。李善注曰。琴有伯夷之操。窮則獨善其身。故謂之操。潘安仁秋興賦。蟬鳴嚶以寒吟。

百年雙鬢欲俱白。

杜少陵詩。百年雙白鬢。一別五秋堂。千里一書真萬金。

李太白詩。相思千萬里。一書直千金。杜少陵詩。家書抵萬金。

翌日阻雨次前韻